

- Unesrećenom s većim opeklinama treba dati da pije vode;
- Ako vaša vlastita odjeća počne gorjeti, stanite, ležite na tlo i pokušajte zaustaviti gorenje odjeće na način da se kotrijate po tlui pri tom zaštitite lice.

PAŽNJA!

U krajnjem slučaju lako ga možete ugasiti i vodom.

U SLUČAJU POŽARA, POŠTUJTE SLJEDEĆA PRAVILA:

1. NEPODLIJEŽETE PANICI!

- Ostanite smireni kako bi pravilno procijenili nastalu situaciju!
- Pregledajte kompletan prostor, proučite protupožarne upute (javljači dima ili požara, gdje se nalaze zidni hidranti, protupožarna vrata, i evakuacioni izlaz, itd.) i postupite sukladno datim uputama;
- Ako se požarna vrata nisu zatvorila, zatvorite ih ručno, da zaustavite širenje požara i dima.

2. DOJAVITE POŽAR

- Pozovite vatrogasce na telefonski broj **123**;
- Kratko i jasno objasnite šta se dogodilo;
- Dajte vaše ime i prezime, te vaš telefonski broj;
- Navedite gdje i što gori, dajte točnu adresu kako bi vatrogasci lakše pronašli lokalitet gdje trebaju djelovati;
- Jesu li ljudi u opasnost?

3. POKUŠAJTE LOKALIZIRATI POŽAR

- Proučite upute na vatrogasnom aparatu!
- Oprezno se približite centru požara (na 2-3 m);
- Usmjerite ručni aparat, za početno gašenje požara, u centar požara i započnite s gašenjem;
- Pri otvaranju požarnih ili dimnih vrata pazite na povratni plameni udar zbog dotoka svježeg zraka.

4. PRVA POMOĆ

- U slučaju trovanja dimom ili gasovima osigurajte unesrećenom udisanje svježeg zraka ili kisika;
- Onesviještene osobe okrenite na bok da ne bi došlo do gušenja;
- U slučaju opekline pustite hladnu vodu da teče preko opekline (5-10 min.);
- U slučaju većih opekline stavite sterilnu gazu na opeklinu i pozovite hitnu pomoć ili ako ste u mogućnosti povrijeđenog prevezite do najbliže medicinske ustanove.

VAŽNI TELEFONI

- Operativni centar civilne zaštite	121
- Policija	122
- Vatrogasci	123
- Hitna medicinska pomoć	124
- Pomoć na cesti	
- Auto moto savez (BIHAMK)	1282
- Pomoć na cesti (HAKBIH)	1288



Projekat finansira EU



Ministarstvo sigurnosti Bosne i Hercegovine



IPA Program prekogranične saradnje Bosna i Hercegovina - Crna Gora

Vodeći aplikant

Partneri na projektu



Ministarstvo unutrašnjih poslova Crne gore
Direktorat za vanredne situacije



Institut zaštite od požara i eksplozija



Bosna i Hercegovina
Federacija Bosne i Hercegovine
FEDERALNA UPRAVA
CIVILNE ZAŠTITE



Sadržaj letka isključiva je odgovornost korisnika projekta „Prekogranična suradnja Bosne i Hercegovine i Crne gore u oblasti zaštite od požara“ i ni na koji način se ne može smatrati da odražava gledište Europske unije.



IPA Program prekogranične saradnje Bosna i Hercegovina - Crna Gora

KAKO POSTUPITI U SLUČAJU POŽARA

KAKO SPRIJEČITI POŽARE?

- **NIKAD** ne ostavljajte kućanske aparate uključene bez vašeg nadzora;
- Redovno kontrolirajte gasne instalacije;
- Omogućite osobama, osposobljenim za redovne preglede i repariranje dotrajalih instalacija, izvršenje njihovoga pregleda i eventualnu zamjenu;
- Šibice i upaljače držite izvan dječijeg dometa i objasnite djeci njihovu pravu svrhu;
- Djecu educirajte o požarima i drugim opasnostima i dajte im upute kako pozvati pomoć.

UPAMTITE: Neugašena cigareta najčešći je uzročnik šumskih požara i nikada je ne izbacujte iz vozila u pokretu. Kada ste u prirodi, opuške od cigareta uvijek ugasite.

KAKO POSTUPITI AKO DOĐE DO ZAPALJENJA KUĆANSKIH APARATA (televizor, perilica za rublje, i dr.)?

- ODMAH isključite aparat iz električne mreže,
- Nastali požar gasite vatrogasnim aparatom (CO₂ ili prahom za gašenje ABC),
- Pozovite vatrogasce na telefonski broj **123** i policiju na broj **122**.

PAŽNJA!

VODOM NEMOJTE:

- ❖ Gasiti požar na elektro instalacijama i aparatima pod naponom, jer možete biti izloženi strujnom udaru.
- ❖ Gasiti požar koji je izazvan benzinom ili zapaljivim uljem, jer ove supstance plutaju na površini vode i mogu izazvati širenje požara.
- ❖ Gasiti požar u dimnjaku.

NEKOLIKO PRAKTIČNIH SAVJETA KAKO POSTUPITI U SLUČAJU POŽARA ILI U NEKIM DRUGIM OPASNIM SITUACIJAMA

ŠTA TREBA RADITI AKO SE ZAPALI ŠTEDNJAK ILI NEŠTO NA ŠTEDNJAKU (LONAC I SL.)?

- Isključite štednjak s dovoda električne energije;
- Posudu koja gori pokrijte poklopcem ili mokrom krpom.
- Ako u stanu/kući imate aparat za početno gašenje požara odmah ga upotrijebite.

Posebna PAŽNJA!

- Nemojte gasiti vodom!
- Nemojte prenositi posudu koja gori!
- Ako niste u mogućnosti ugasiti požar odmah pozovite vatrogasce na telefonski broj 123

KAKO POSTUPITI AKO GORI U STANU, A NISTE U MOGUĆNOSTI DA SAMI UGASITE POŽAR?

- Odmah izvršite izmještanje članova obitelji na sigurno;
- Nakon izlaska iz stana, iza sebe zatvorite prozore i vrata;
- Obavezno izvršite izmještanje boce s gasom ili gorivom (ako ih imate);
- Pozovite vatrogasce na telefonski broj 123 i dajte im informaciju o požaru;
- Vatrogasnoj postrojbici omogućite prilazak objektu gdje je nastao požar.

PAŽNJA!

- Nemojte se izlagati dimu radi spašavanja materijalnih dobara!
- Obezbijedite, da vatrogasci lakše nađu put do vaše kuće / zgrade i usmjeravajte ih.
- Surađujte s rukovoditeljem akcije gašenja požara, jer vi najbolje poznajete prostore i okolinu!

KAKO POSTUPITI AKO SAZNA MO DA JE DOŠLO DO ISTJECANJA GASA U STANU?

Ako uočimo da je došlo do istjecanja gasa u stanu ili kući potrebno je:

- Otvoriti prozore i vrata i napraviti propuh;
- Ustanoviti odakle istječe gas i pokušati ga zatvoriti;
- Isključiti električni vod samo ako je prekidač izvan prostora u kojem istječe gas;
- Pozovati nadležnu gradsku / općinsku službu za opskrbu gasom;
- Pozvati nadležni servis za održavanje gasnih instalacija.

PAŽNJA!

- Nemojte upotrebljavati otvoreni plamen!
- Nemojte palite svjetlo ili električne naprave!

KAKO POSTUPITI KAD SE ZAPALI ČAĐ U DIMNJAKU?

Ako dođe do zapaljenja čađi u dimnjaku odmah:

- Pozovite vatrogasce na telefonski broj 123;
- Pomaknite sve gorive predmete koji se nalaze blizu dimnjaka;
- Pregledajte sve prostore kroz koje prolazi dimnjak, kako biste utvrdili, ima li negdje nakupljenog gasa ili dima;
- O požaru obavjestite sve stanare (ako je stan u zgradi);
- Pozovite dimnjačarsku službu;
- Omogućite vatrogasnim ekipama nesmetan pristup do svih prostora, da bi mogli lakše nadzirati požar dimnjaka do konačnog izgaranja čađi.

PAŽNJA!

- Požar dimnjaka nemojte gasiti vodom.
- Ne otvarajte vrata dimnjaka.
- Nakon požara potrebno je da dimnjačar pregleda dimnjak.

ŠTA TREBA URADITI AKO DOĐE DO ZAPALJENJA, NA VOZILU, ISPOD POKLOPCA MOTORA?

Ako primjetite da je došlo do zapaljenja ispod poklopcu motora na Vašem vozilu odmah

- Zaustavite vozilo uz rub ceste i ugasite motor;
- Od putnika zatražite da brzo napuste vozilo;
- Polako otvorite poklopac motora, samo ako imate pripremljen aparat za gašenje početnog požara (savjetujemo 2-kilogramski aparat za gašenje prahom) i otpočnite gasiti nastali požar;
- Otpočnite gasiti požar tako, da malo otvorite poklopac motora i usmjerite mlaz sredstva za gašenje na motor, zatim poklopac zatvorite i malo pričekajte;
- Ako vam prvi put nije uspjelo ugasiti požar, postupak ponovite;
- Ako niste uspjeli ugasiti požar, a isti se brzo širi, **HITNO, bez razmišljanja**, pozovite vatrogasce na telefonski broj 123.

PAŽNJA!

- Strah od eksplozije vozila je sasvim nepotreban.
- Ako nemate čime gasiti požar ne otvarajte poklopac ili vrata vozila.
- Svaki miris po dimu u vozilu je znak da se nešto grije ili gori, te treba odmah provjeriti o čemu se radi.

KAKO POSTUPITI KAD SE ZAPALI ODJEĆA NA ČOVJEKU?

- Ugroženom priđite s leđa i njegovo tijelo prekrijte prekrivačem;
- Polegnite ga kako bi ste spriječili djelovanje plamena na lice i kosu;
- Ugušite požar počevši od glave naniže, na način da omotate ugroženu osobu u prekrivač ili kaput i oslobodite dišne organe da može disati;
- Ukoliko su se odjeća i prekrivač zalijepili za tijelo ugrožene osobe, ne skidajte ništa na silu. Ako je to moguće, skinute nakit prije oticanja opečenih dijelova tijela;
- Ako je to moguće, opečeni dio tijela odmah stavite pod tekuću hladnu vodu 10 do 15 minuta.